



ADMINISTRACIÓN LOCAL

MUNICIPAL

SADA

Secretaría

Convocatoria de axudas económicas aos desprazamentos co fin escolar, curso 2021-2022

CONVOCATORIA DE AXUDAS ECONÓMICAS AOS DESPRAZAMENTOS CO FIN ESCOLAR, CURSO 2021-2022

1. Obxecto.

A presente convocatoria ten por obxecto o establecemento de axudas económicas aos desprazamentos co fin escolar dirixida ao alumnado empadroado no Concello de Sada para o curso 2021-2022, favorecendo o acceso aos centros de ensino públicos mediante unha axuda nos gastos derivados da utilización de calquera tipo de transporte para acceder aos mesmos.

2. Criterios.

Concederase unha única axuda para todo o curso lectivo, que será aboada en dous prazos: un 70% na anualidade 2021 e un 30% na anualidade 2022.

Establécese como criterio de concesión a distancia que existe entre o domicilio do/a beneficiario/a e a localidade do centro de ensino onde estea matriculado (sempre e cando o centro careza de transporte escolar), segundo o baremo que figura a continuación (a distancia mínima para percibir a axuda é de 1 km):

- De 1 a 3 km: 50 € (por ex. Sada)
- De 4 a 15 km: 80 € (por ex. Bergondo, Betanzos..)
- De 16 a 40 km: 100 € (por ex. A Coruña..)
- De 41 a 80 km: 150 € (por ex. Santiago, Lugo..)
- Máis de 80 km: 180 € (por ex. Pontevedra, etc.)

No caso de que, a vista do número de solicitantes beneficiarios e unha vez concedidas ás axudas polos importes establecidos no parágrafo anterior, se supera a contía total fixada na Disposición Final; as citadas contías reduciranse nun 10% do seu importe, sucesivamente e ata que se de cobertura á totalidade das solicitudes presentadas.

As persoas que estean cursando estudos en máis dun centro só poderán solicitar a axuda económica para un deles

3. Beneficiario/as.

3.1.–Poderán acollerse o alumnado empadroado no Concello de Sada que curse calquera dos seguintes estudos dentro ou fóra da Comunidade Autónoma Galega:

- Educación Secundaria Adultos (ESA).
- Bacharelato.
- FP/Ciclos formativos.
- Estudos universitarios.
- Calquera estudio oficial homologado estatalmente.

Ademais, deberán cumprir os seguintes requisitos:

- a) Estar empadroado no Concello de Sada
- b) Estar empadroado a máis de 1 km de distancia do centro de estudos.
- c) Estar matriculado nun centro de ensino público.
- d) En función da natureza da subvención aplícase a excepción prevista no artigo 10.2 da Lei 9/2007, do 13 de xuño, de subvencións de Galicia, en relación cos requisitos para obter a condición de beneficiario.

3.2.–Non poderán acollerse as persoas que se atopen nos seguintes supostos:

- Ter solicitada para o presente curso lectivo calquera outra axuda económica relacionada co desprazamento ao centro de ensino, ou ben estar matriculadas en cursos onde estean total ou parcialmente subvencionados os gastos de desprazamento.
- Cursar estudos de educación primaria ou secundaria (ESO), ou Infantil (3-5 anos).
- Estar matriculados en centros privados ou públicos concertados.
- Cursar estudos con duración inferior a 6 meses.

3.3.–A efectos de dar traslado á axencia tributaria das axudas concedidas tomarase como beneficiario ó interesado/a ou o/a representante legal, no caso de minoría de idade, co seu correspondente número de identificación.

4. Publicación das bases e prazo de presentación de solicitudes.

As solicitudes, dirixidas ao Sr. alcalde e asinadas polo solicitante, formularanse no modelo que figura como anexo desta convocatoria e presentaranse no Rexistro electrónico do Concello ou por calquera dos medios sinalados no artigo 16.4 da Lei 39/2015, do 1 de outubro, do Procedemento Administrativo Común das Administracións Públicas.

As solicitudes deberán presentarse no prazo máximo de 15 días hábiles a partir da publicación do extracto da convocatoria no Boletín Oficial da Provincia. Tamén se publicará na páxina web do Concello podendo presentarse as instancias a partir dese momento.

5. Documentación a presentar.

- a) Solicitud en modelo normalizado, conforme ao Anexo I.
- b) Certificado de conta bancaria, expedido pola entidade bancaria co nome do interesado/a ou titor/a legal.
- c) Volante de empadramento do/da solicitante.
- d) Certificado de estar matriculado/a no actual curso académico 2021-2022 ou resgardo da matrícula, de cara ao 1.º prazo para a obtención do 70% da axuda.
- e) Boletín de notas finais, coa data de finalización do curso (a presentar na anualidade 2022 de cara ao segundo prazo para a obtención do 30% restante da axuda).
- f) Declaración xurada de que non foron percibidas outras axudas polo mesmo concepto doutros Organismos e/ou Administracións Públicas e, no caso de percibilas, contía das mesmas (ANEXO II).

6. Procedemento.

Baremaranse as solicitudes e elaborarse o informe-proposta para a súa concesión ou denegación en función do cumprimento dos requisitos esixidos pola Concellería delegada de Educación.

Unha vez fiscalizada pola Intervención municipal, a Alcaldía concederá as subvencións mediante acordo no que se especifique a relación de solicitantes aos que se conceden as subvencións e a desestimación das restantes solicitudes.

O outorgamento das subvencións notificarase aos interesados segundo o establecido nos artigos 58 e 59 da Lei 30/1992. A resolución da concesión farase pública, como mínimo, mediante exposición pública no taboleiro de anuncios municipal durante o prazo de un mes.

Para o cobro do 30% restante (anualidade 2022) deberán presentar antes do 31/08/2022 o correspondente boletín de notas. A non presentación desta xustificación no prazo establecido para elo suporá á renuncia a esta segunda fase da axuda.

7. Disposición final.

As axudas serán concedidas sempre co límite orzamentario da partida 326.48011 do vixente orzamento municipal, ampliables no caso de economía doutras subvencións destinadas á educación.

DILIXENCIA.–Para facer constar que a presente convocatoria foi aprobada mediante XGL de data 12/11/2021

O secretario acctal.: Juan Esteban Méndez Leiva

Sada, 25/11/2021

O alcalde

Óscar Benito Portela Fernández



ANEXO I
Modelo de solicitude de axudas

AXUDAS ÓS DESPRAZAMENTOS CO FIN ESCOLAR 2021/2022

<p>REPRESENTANTE LEGAL (PAI / NAI / TITOR) D/D^a:</p> <p>DNI:</p> <p>ENDEREZO:</p> <p>TLF:</p>
<p>INTERESADO:</p> <p>ALUMNO/A:</p> <p>CURSO:</p> <p>CENTRO ESCOLAR:</p> <p>DISTANCIA KM:</p>
<p>DOCUMENTACIÓN QUE SE ACOMPAÑA:</p> <p style="text-align: right;">(SUPOSTOS DE MINORÍA DE IDADE)</p> <p><input type="checkbox"/> FOTOCOPIA DO DNI DO ALUMNO/S E DO CABEZA DE FAMILIA OU TITOR VOLANTE DE EMPADROAMENTO.</p> <p><input type="checkbox"/> CERTIFICADO OU ACREDITACIÓN DE ESTAR MATRICULADO NO CURSO ACADÉMICO, EXPEDIDO POLO CENTRO DE ESTUDIOS CORRESPONDENTE; OU FOTOCOPIA DO RESGARDO DA MATRÍCULA DO CURSO ESCOLAR</p> <p><input type="checkbox"/> DECLARACIÓN XURADA DE NON PERCEPCIÓN DE AXUDAS POLO MESMO CONCEPTO DOUTROS ORGANISMOS/ADMINISTRACIÓNS PÚBLICAS</p> <p><input type="checkbox"/> CERTIFICADO DE CONTA BANCARIA PARA O INGRESO DA AXUDA CONCEDIDA, NO SEU CASO</p>
<p>POR TODO ISTO SOLICITO: QUE SE TEÑA POR PRESENTADA ESTA INSTANCIA E OS DOCUMENTOS QUE SE ACOMPAÑAN PARA A CONVOCATORIA DE AXUDAS Á QUE SE REFIRE ESTA PETICIÓN.</p> <p style="text-align: center;">Sada,</p> <p style="text-align: center;">O/a representante legal / interesado</p> <p style="text-align: center;">Asdo.:</p>

-SR ALCALDE-PRESIDENTE DO ILMO. CONCELLO DE SADA (A CORUÑA)

ANEXO II
DECLARACIÓN DE AXUDAS

D/D^a _____, titular do D.N.I. núm. _____
_____ como representante legal do menor / estudante

D / D^a _____, titular do DNI núm. _____
_____ como interesado

Que en relación coa convocatoria de axudas aos desprazamentos co fin escolar do Concello de Sada para o curso 2021/2022 para a que solicita axuda económica,

DECLARA

- Que non solicitou nin obtivo subvención algunha de Organismo Público ou privado
- Que solicitou e obtivo subvención das seguintes entidades polas contías que se indican

ORGANISMO/ENTIDADE	CONTÍA SOLICITADA	AXUDA CONCEDIDA

(márkese o que proceda)

Sada, de de 2021

Asdo.-

2021/8248